

UHOLDEAK. Egoera guztiz larria zen atzo Ebroko ertzean, Erriberan. Tuteran, Fontellas eta Castejon herrietan urak bere bidetik atera, eta kaleak eta bazterrak hartu zituen. Nafarroako Gobernuak eta Ebroko Ur Konfederazioak larrialdi egoera ezarri zuten.

Nafarroako Erribera egoera larrian da, Ebro ibaiak gainezka egin duelako

Tuteran eta Castejonen ibaiak uholdeak eragin ditu, eta Araban eta Iruñerrian egoerak hobera egin du

I. Petxarroman | **GASTEIZ**
E. Elizondo | **IRUÑEA**

Larrialdi egoeran zegoen atzo Nafarroako Erribera, Ebro ibaiak gainezka egin ostean. Nafarroako Gobernuak Fontellas, Tuteran eta Castejongo herriak ohartarazi zituen, bart uholdeak izateko arrisku handia zutelako herriok.

Tuteran egun osoa ibaiari so eman zuten hiriko agintariek. Uholde handiak espero zituzten, egoera larria zen, baina, goizean, lasaitasuna izan zen nagusi. Arratsaldean hasi ziren arazoak. Lehen orduetan moztu zituzten lehendabiziko kaleak hiriko alde zaharrean. Udaltzaingoaren egoitzara ere sartu zen ura, Kristoren Bidean, eta herriko etxera joan behar izan zuten udaltzainek.

Haiek bezala, Tuterako suhiltzaileek ere uholdearen zain eman zuten eguna. Goizez eta arratsaldean lan gutxi izan zuten, eta, batez ere, lurrazpiko apar-kalekuek autoak ateratzen eta arriskuan zeuden zonaldeetako bizilagunak ohartarazten ibili ziren. «Gaueko 22:00etan igoko da gehien ura; orduan hasi beharko dugu lanean, argi baitago ibai bazterreko toki guztiak estaliko dituela urak», azaldu zuten suhiltzaileek.

Haiei kezka nagusia herritarren kezkarik eza zen, hain zuten ere: «Euririk egiten ez duenez, uholderik ez dela gertatuko uste dute; baina badator, aurreikuspen ezkorrenak betetzen badira zazpi metro eta erdira igoko da ura», azpimarratu zuten suhiltzaileek.

Atzo hamar suhiltzaile aritu ziren Tuterako parkean lanean, eta, gaur ere, kopuru bera ariko da.

Antzekoa izan zen egoera Castejonen ere. Egun osoan gora eta gora egin zuten Ebroren ur-emariak, eta N-113 errepi-dea itxi egin behar izan zuten, ibaiak gainezka egin zuelako. Arratsaldeko 19:30ean, 7,40 metroko altuera zuten ibaiak Castejonen, baina ez zuten, tartean, kalterik eragin ibai bazte-



M.G. / EFE

EBRO, GAINEZKA ERRIBERAN. Ebro ibaiak gainezka egin zuen Erriberan atzo. Eguerdian baratzeak eta ibaiaren inguruko enpresak kaltetu zituen, eta Tuterako hiriraino heldu zen ura. Gauean, egoerak okerrera egingo zuen aurreikuspena zuten arduradun politikoei.

Uribarri Ganboako urtegia, ur sarrerak eta irteerak

Urtegia sartutako ura

Urtegitik irtendako ura


Gasteiz • Uribarri Ganboa

Gasteiz • Uribarri Ganboa

Herenegun

100 m³/seg goizean

400 m³/seg arratsaldean




60 m³/seg

120 m³/seg

Atzo

57 m³/seg goizean

33 m³/seg arratsaldean



61 m³/seg

60 m³/seg

reko etxaldeetan. Herriko kaletatik urrun zen Ebroko ura.

Nafarroako Gobernuak eta Ebroko Ur Konfederazioak Koordinazio Batzordea osatu zuten, eta Fontellas, Castejon eta Tuterako herriak ohartarazi zituzten uholde arriskuaren aurrean. Egoerarik txarrena, gainera, gaur goizeko 06:00etatik 08:00etara espero dute.

Atzo Ebro ibaiak hartu zuen ur heina azken 20 urteotako handiena izan dela azaldu zuten agintariek, eta soilik konpara daitekeela 1981ean izan zuenarekin, Erriberan uholdeak eragin zituenean.

Nafarroako Gobernuak ordezkariek eta Erriberako 14 alkate arratsaldean bildu ziren Tuteran.

Egoera hobetzen Araban eta Iruñerrian

Bestalde, Euskal Herriko beste eskualdeetan, pixkanaka, egoe-

ra hobetu egin zen atzo, orduak aurrera egin ahala. Herenegun gauean larrialdi egoera zegoen Gasteizko lautadan, Uribarri-Ganboako urtegia gainezka egi-tear egon baitzen une batzuetan. «Zentimetro batengatik libratu gara», esan zuen Alfonso Alonso Gasteizko alkateak.

Atzo ere egun osoan jardun zuten ura askatzen urtegitik, baina aurreko gauean askatutakoaren erdia bakarrik.

Ekologistak Martxan eta beste hainbat erakundek salatu zuten urtegiaren ustiakuntza mailaren ondorioz gertatzen direla horrelako egoera larriak. Alegia, segurtasun mailatik oso gertu dagoela ustiakuntza maila, eta horregatik, ura oso goiti dagoen arte ez direla ura askatzen hasten.

Espainiako Ingurumen Ministerioak ukatu egin zuten ustiakuntza mailaren ondorioz gertatzen direla uholdeak, eta